

ԱՐԾՐՈՒՆԻՆԵՐԻ ՊԱՏՄՈՒԹՅԱՆ ՄԻ ՔԱՆԻ ՀԱՐՑԵՐ
(IX դարի 30—60-ական թթ.)

Վ. Մ. ՎԱՐԴԱՆՅԱՆ

Բյուզանդացի մատենագիր Գենեսիոսը ուշագրավ վկայություն ունի Բյուզանդիայի դեմ կատարած արշավանքին Աբբասյան խալիֆայության զորքի կազմում Արծրունյաց զորութի մասնակցության մասին: Բագրատունիների գլխավորած հայկական զորքի մեջ մատենագիրը հիշատակում է «Վասպուրականացու գլխավորած զորքը»¹: Այս անցքը դրվում է 838 թ.² Կայսրության դեմ Աբբասյանների նշված արշավանքը պատասխան էր նախորդ տարում դեպի Հայաստան՝ Եփրատի հովիտ բյուզանդացիների կատարած հարձակման³: Գենեսիոսի վկայությունը ցույց է տալիս, որ Արծրունիները նույն ժամանակ կողմնորոշվել են դեպի Աբբասյանները, Բագրատունիների հետ միասին չինակցել նրանց, ընդդեմ Բյուզանդիայի: Սակայն Գենեսիոսը չի հիշում վերը նշված վասպուրականցի իշխանի անունը: Իհարկե, կասկածից վեր է, որ պատմիչն ի նկատի ունի Արծրունյաց գահերեցին: Անշուշտ, Արծրունիների ալպիսի դիրքորոշումն ուներ իր շարժառիթները: Թեև Աբբասյան խալիֆաները, համեմատած Օմայանների հետ, ավելի անհանդուրժող էին հայ իշխանների հանդեպ⁴, սակայն չի կարելի անտեսել նաև պատմական այն իրողությունը, որ հենց Աբբասյանները՝ օրոք էր, որ Արծրունիները գերակայություն և սերունական իրավունքներ ձեռք բերեցին հարավ-արևելյան Հայաստանի նախարարական մյուս տոհմերի նկատմամբ: Աբբասյանները ճանաչեցին Արծրունիների ինքնավար իրավունքները: խալիֆայության դեմ 774—775 թթ. հալեբի մղած ազատագրական ապստամբությունից (որի գործուն մասնակիցներն էին Արծրունիները) հետո Հայաստանում ստեղծված ծանր իրավիճակում Արծրունիները և Հայոց մյուս նախարարները պահպանեցին և է՛լ ավելի ընդլայնեցին իրենց ինքնավար իրավունքները⁵:

Շարունակվում էին միջնադարին հատուկ գծությունները Հայաստանի ֆեոդալական տների միջև: Վասպուրականում դրանք հատկապես ցայտունորեն դրսևորվեցին VIII դարի սկզբին, Արծրունի և Մամիկոնյան տոհմերի միջև: Ի հեճուկս Արծրունյաց իշխող տոհմաճյուղի, նույն տոհմի երկրորդական շյուղերից մեկի պարագլուխ Ապուպելճը ամուսնացավ Մամիկոնյան օրիորդի հետ⁶: Այդպիսով Մամիկոնյաններին հաջողվեց Արծրունիների մի ճյուղը դարձնել իրենց հնարավոր դաշնակիցը՝ ընդդեմ ախոյանների, որոնց թվում էին

¹ Genesius Regum. Bonnae, 1834, p. 67.

² J. Laurent. L'Arménie entre Byzance et l'Islam, depuis la conquête arabe jusqu'en 887. Paris, 1919, p. 212; R. Grousset. Histoire de l'Arménie des origines à 1071. Paris, 1947, p. 354; A. Toynbee. Constantine Porphyrogenitus and his World. London, 1973, p. 405; А. Н. Тер-Гевондян. Армения и арабский халифат. Ереван, 1977, с. 138.

³ E. Honigmann. Die Ostgrenze des Byzantinischen Reiches von 363 bis 407. Bruxelles, 1935, S. 58; R. Grousset. Histoire de l'Arménie, p. 354.

⁴ H. Daghbachean. Grundung des Bagratidenreiches durch Aschot Bagratuni. Berlin, 1893, p. 56.

⁵ Balâdhuri. The Origins of the Islamic State (Kitab Futuh al-Buldan). Vol. I, New York, 1916, p. 330.

⁶ Թովմա Արծրունի. Պատմութիւն տանն Արծրունեաց. Թիֆլիս, 1917, III, ԺԳ, էջ 313:

նաև Արժրուինների գլխավոր նյութի իշխանները՝ Մամիկոնյանները հակված էին դեպի Բյուզանդիան, մինչդեռ Արժրուինները, ընդհակառակը, կողմնորոշվում էին դեպի Արբասյան խալիֆայությունը։ Նույն դիրքորոշումն ունեին նաև Բագրատունիները։ Այս իրողությունը, բնականաբար, մերձեցնում էր Արժրուիններին և Բագրատունիներին։ Արժրուինները պաշտպանում են Աշոտ Մսակեր Բագրատունուն, ընդդեմ Հայաստան թափանցած Ջահաֆյանների⁷, նպաստում, որպեսզի Բագրատունիները տիրանան Մամիկոնյանների և Կամսարականների հողատիրություններին։ Բագրատունիների զորացումը բնավ չէր թուլացնում Արժրուինների ազդեցությունը հարավային Հայաստանում։ Նույնիսկ այն բանից հետո, երբ Աշոտ Մսակերը իր որդիներին հաստատեց Տարսնի ու Մոկրի իշխաններ, Արժրուինների ազդեցությունը հարավային Հայաստանում բնավ չթուլացավ։ Դեռ ավելին, ինչպես հաղորդում է Ասողիկը, երբ Աշոտ Մսակերը Կամսարականներից գնեց Արշարունիքը, իր նստավայրը Կոզովիտ գավառից տեղափոխեց այնտեղ⁸։ Բագրատունիների հեռանալը Կոզովիտից, ինչպես նկատում է Յ. Մարկվարտը, առնչվում է Վասպուրականում Արժրուինների աճող զորության հետ⁹։ Իհարկե, Աշոտ Մսակերի այդ քայլը հետեւում էր նաև Հայաստանի քաղաքական և հոգևոր-մշակութային կենտրոն Այրարատ նահանգում նստավայր ունենալու նպատակադրման։ Նման քայլն անշուշտ ժամանակակիցների վրա որոշակի ազդեցություն պետք է թողներ։ Հայոց թագավորների երեմնի ոստանին տիրելու հանգամանքն ինքնին մեծ շուք էր հաղորդելու Բագրատունիների իշխանությանը՝ էլ ավելի ընդլայնելով նրանց քաղաքական և պետական ոլորտը։

Բագրատունիների և Արժրուինների դաշինքն ամրապնդվեց նաև քաղաքական մտածանության միջոցով։ Աշոտ Մսակերն իր մի դստերը՝ Հռիփսիմեին կնուխյան տվեց Արժրուինյաց գահերնց իշխանին, որի անունը չի պահպանվել հայերական սկզբնաղբյուրներում։ Նույն աղ իշխանի անունը հնարավոր է դառնում պարզել արաբ մատենագիրների երկերում եղած տվյալների օգնությամբ։ Իսլամական աղբյուրներում, խոսելով Բուղայի աղբյուրների մասին, Արժրուինյաց Մեծ իշխան Աշոտին անվանում է «Իբն Համդա» («Համդայի որդի»)՝¹⁰ Հետևաբար Աշոտ Արժրուինու հոր անունը արաբերենում հնչել է Համդա, որը նույնական է հայերեն Համսուհասին։ Այսպես, XI դարի արաբ մատենագիր Միսկավայի-ն, պատմելով Վասպուրականի թագավոր Դերենիկ Արժրուինու մասին, նրա եղբորը հիշում է Համդա անունով¹¹։ Վերջինս հայկական սկզբնաղբյուրներում անվանվում է Համդասույ (կամ Աբուսահլ-Համդասույ)։

Համսուհաս (Համդա) Արժրուին, փեսայանալով Բագրատունիներին, տվելի ամրապնդեց իր իշխանությունը։ Նա եռանդուն պայքար տարավ Մամիկոնյանների և նրանց օժանդակող Ապուպելճ Արժրուինու դեմ, որի կողմնորոշումը դեպի Մամիկոնյանները առաջին հերթին թելադրվում էր Վասպուրականում առաջնություն ունենալու միտումով։ Ապուպելճի այս ձգտումը ուներ խոր արմատներ։ Վաղ միջնադարում հարավ-արևելյան Հայաստանի նախապարտությունների դեպքի մասը ծուլվեց Արժրուիններին, կազմելով նույն տոհմի նշույթավորումներ։ Սակայն միաձուլվում հաճախ կարող էր դրսևորվել քաղաքական համադաշինքի ձևով, որի դեպքում, բնականաբար, ավելի էր իրեն

⁷ Հմմտ. R. Grousset. Op. cit., p. 342.

⁸ Ս տ ե փ ա ն ո ս Տ ա ր ո ն Ի ց Ի (Ա ս ո ղ Ի Կ). Պատմություն տիեզերական. Ս. Պետերբուրգ, 1885, III, Բ, էջ 106։

⁹ J. Marquart. Osteuropäische und Ostasiatische Streifzüge. Leipzig, 1903, S. 452.

¹⁰ Baladhuri, I, p. 331.

¹¹ Miskawayh, II (H. F. Amedroz and D. S. Margoliouth; The Eclipse of the Abbasid Caliphate, vol. IV, London, 1921), p. 159.

¹² Տե՛ս Ա ն ա ն Ի ա Մ ո կ ա ց Ի. Յաղագս ապստամբության տանն Աղուանից.—«Արաբաբան», 1897, էջ 140։ Գ. Հ ո վ ա Ե փ յ ա ն. Հիշատակարանը ձեռագրաց. Ա, Անթիլիաս, 1951, էջ 117—118, 135—136։

զգալ տալիս զորեղ տոհմաճյուղերի ինքնուրույնությունը: Ո՞վ էր Ապուպելճը: Ծ. Մարկվարտը ենթադրում է, որ նա պետք է լիներ 776 թ. հավատարաց եղած Մեհրուժան Արծրունու թոռը¹³: Դժվար է համաձայնվել այս կարծիքին, բայց որ Արծրունիների տոհմից հենց այս Մեհրուժանն էր հետևողական պայքար տանում Մամիկոնյանների դեմ¹⁴, ուստի հազիվ թե նրա շառավիղները մերձենային Մամիկոնյաններին: Ն. Ադոնցը կարծում է, որ Ապուպելճ Արծրունին պետք է սերած լիներ Մարգալեսների (մարգերի) տոհմից, և որպես փաստարկ բերում է Վասպուրականի Մարդաստան դավաոր նրա թրուն բաժինը լինելու պարագան¹⁵: Սակայն Թովմա Արծրունու տվյալներից երևում է, որ Ապուպելճների ժառանգական հայրենիքը ոչ թե Մարդաստանն էր, այլ մեկ ուրիշ գավառ, որը թեև պատմիչը չի հիշատակում, սակայն անուղղակի կրավանները թույլ են տալիս մոտավորապես որոշելու այն: Ըստ Թովմա Արծրունու, Ապուպելճի որդի Գուրգենը տիրում էր իր «թուն բաժինը» համարվող Մարդաստանը և Անձնացյաց գավառի մի մասը: Իսկ երբ Աշոտ Արծրունին նրանից պահանջեց հրաժարվել այդ շրջաններից, Գուրգենը հիշեցրեց, որ «ի հայրենեացն արտաքս հանեալ եք ի ժառանգութենէ... զայս ևս բռնագրօսեալ ջանայք»¹⁶: Այս վկայությունից երևում է, որ Գուրգեն Ապուպելճի ժառանգական հայրենիքը կազմող հողատիրույթն արդեն իսկ խլված էր նրանից: Հետևաբար, Ապուպելճների հայրենական տիրույթը ոչ թե Մարդաստանն էր, այլ մեկ ուրիշ գավառ, որը, դատելով անուղղակի տվյալներից, պետք է լիներ Ռշտունիքը: Այս տեսանկյունից խնդրին մատենալու դեպքում հասկանալի է դառնում, թի ինչու 851 թ. Բուղա զորապետի արշավանքին հաջորդած ծանր տարիներին Վասպուրականը կառավարող Գուրգեն Ապուպելճը իշխանանիստ դարձրեց Ռշտունիքի Ոստան բերդաքաղաքը¹⁷:

Որոշ փաստեր թույլ են տալիս կարծելու, որ Ռշտունիքի նկատմամբ Գուրգենը հավակնություն ունեցող նաև 860-ական թթ.: Այսպես, Աշոտ իշխանաց իշխան Բագրատունին 862 թ. զորքով ժամանելով Վասպուրականի Վանոտուպ գավառ, ձերբակալեց Դերենիկ Արծրունուն, որպես անհնազանդ վասալի և մտավ Ռշտունիք՝ գրավելով Ոստանը: Այն ժամանակ Գուրգեն Ապուպելճը նրան ուղարկեց սպառնական գրություն և պատրաստվեց գիշերը հարձակվել Աշոտ իշխանաց իշխանի վրա, որն ստիպված եղավ ընդունել Գուրգենի ուսաջադրած պայմանները¹⁸: Ժ. Լորանը կարծում է, թե այս ժամանակ Գուրգենն իշխում էր Ռշտունիքում¹⁹: Սակայն եթե Գուրգենն իրոք իշխեր Ռշտունիքում, ապա հազիվ թե Աշոտ Բագրատունին ի դուրս լիներ գրավել նույն գավառի անմատչելի կենտրոն Ոստան բերդաքաղաքը (որն, ինչպես տեսանք, նա գրավեց): Թովմա Արծրունու այլ վկայություններից երևում է, որ հետագայում ևս Ռշտունիքը չի եղել Գուրգենի իրավասության տակ, թեև նա ամեն կերպ աշխատել է տիրանալ նրա կենտրոն Ոստանին, որպես իր հոր եղբորական սպանության վայրի²⁰:

Այս փաստից թերևս կարելի է հետևեցնել, որ Գուրգենի հայր Ապուպելճը իշխանանիստ է դարձրել Ոստանը և տիրել է Ռշտունիքին, սակայն ի վերջո զոհ է գնացել Արծրունի իշխող տոհմաճյուղի հետ ունեցած արյունոտ պայքարում: Բացի այդ, Մարգալեսների տոհմը IV դարից հետո վերացավ քաղաքական ասպարեզից (նրանց մնացորդները ձուլվեցին Արծրունիներին), մինչդեռ Ռշտունյաց տոհմը գոյատևեց մինչև VIII դարի սկիզբը (իմա՝ Նախճատա-

¹³ J. Markwart. Südarmenten und die Tigrisquellen. Wien, 1930, S. 85.

¹⁴ Հաւաքումն Պատմութեան՝ Վարդանայ Վարդապետի. Վենետիկ, 1862, ԽԱ, էջ 76:

¹⁵ Ն. Ադոնց. Պատմական ուսումնասիրություններ. Փարիզ, 1948, էջ 74—75:

¹⁶ Թովմա Արծրունի. III, ԺԷ, էջ 344:

¹⁷ Նույն տեղում, III, ԺԳ, էջ 323:

¹⁸ Նույն տեղում, ԺԴ, էջ 336:

¹⁹ J. Laurent. Un feodal Armenien au IX^e siècle: Gourguen Ardzrouni fils D'Abou Beldj.—Etudes d'Histoire Arménienne. Louvain, 1971, p. 46.

²⁰ Թովմա Արծրունի. III, ԻԲ, էջ 377:

սի և հրամաի աղետը)²¹։ Հետևաբար, Մարդպետների տոհմի անկումից հետո Ռշտունիները մոտ երեք դար պահպանել են իրենց գոյությունը և, ինչպես հայտնի է, առաջատար դեր են կատարել ոչ միայն Վասպուրականում, այլև երբեմն նաև՝ բովանդակ Հայաստանում, նույնիսկ նրա սահմաններից դուրս։ (Ուշագրավ է, որ պատմական ավանդությունը Վասպուրականում ամենանշանավոր վանքերի հիմնումը կապում է Ռշտունյաց տոհմի իշխանների հետ)²²։ Բնականաբար, V դարից հետո հենց Ռշտունիների (և ոչ թե Մարդպետների) սերունդները կարող էին մրցակցել Արժրունիների հետ։ Այդ մրցակցությունը շարունակվել է նաև VIII դարից հետո, որովհետև բացառված չէր, որ Արժրունիների հետ միավորված Ռշտունի ազատները դիմեին ընդդիմադիր քայլերի, իրենց տոհմի երբեմնի իրավունքները վերստանալու հույսով։ Կարելի է ենթադրել, որ Ապուպելճի տոհմաճյուղը սերում էր Ռշտունիներից։

Ինչևէ, Ապուպելճի և Համազասպ (Համգե) Արժրունու միջև մղվող պայքարն ավարտվեց վերջինիս հաղթանակով²³։ Անշուշտ, դրան նպաստեց նաև Սամիկոնյանների թուլացումը։ Համազասպ Արժրունու հաղթանակով, բնականաբար, Արժրունիների իշխող տոհմաճյուղի դիրքերն ավելի ամրապնդվեցին։ Համազասպին վեոապահվեց Արժրունիների տոհմապետի և Վասպուրականի Մեծ իշխանի պատիվը։

Բագրատունիների հետ Արժրունիների մերձեցումը հետևանք էր նաև խալիֆայության հանդեպ այդ երկու տների միատեսակ դիրքավորման։ Ընդունելով Բագրատունիների գեոակայությունը, իհարկե, ելնելով իրենց տոհմի և իշխանության շահերից, Արժրունիները խալիֆայության նկատմամբ հանձն են առել վասալական պարտավորություններ։ Ուստի նրանք զինական աջակցություն են ցույց տալիս ոչ միայն Բագրատունիներին՝ ընդդեմ նրանց հակառակորդների, այլև Աբբասյաններին (անշուշտ, Բագրատունիների հետ)՝ Բյուզանդիայի, իսլամականների և այլոց դեմ մղած կռիվներում։ Գենեսիոսի՝ վեոք նշված վկայությունը դրա հաստատումն է։ Բնականաբար, Աբբասյաններն իրենց հերթին օժանդակում էին հարավ-արևելյան Հայաստանում Արժրունիների դիրքերի ամրապնդմանը։ Հայաստանի այդ երկու գորեղագույն տոհմերի քաղաքական կողմնորոշման նույնությունը նպաստեց Արժրունյաց իշխանության ամրապնդմանը և Բագրատունիների շուրջը հայ ֆեոդալների համախմբմանը։ Բագրատունիների և Արժրունիների հակաբյուզանդական կողմնորոշումը (ինչը հավաստվում է Գենեսիոսի նույն հաղորդմամբ) պայմանավորված էր հայ նախարարների հանդեպ Աբբասյանների սիրաշահող քաղաքականությամբ, իսկ վերջինս հետևանք էր ոչ միայն հայերի ռազմածր կախությունից դեմ հանելու, այլև, ըստ երևույթին, տվյալ պահին Բաբեկի գլխավորությամբ ծավալված շարժման դեմ Հայաստանում հակակշիռ ստեղծելու նպատակադրման։ Քաջ հայտնի է, որ Բաբեկի գլխավորած շարժումը հիմքից սասանեց խալիֆայության համակարգը, արձագանք գտնելով նաև հարավ-արևելյան Հայաստանում²⁴։ Իհարկե, հայ ֆեոդալները, որպես տիրող դասակարգի ներկայացուցիչներ, վերջին հաշվով պահելու էին ոչ թե ապստամբների, այլ նրանց հակառակորդների կողմը։ Մենք փաստեր չունենք, թե Արժրունի իշխանները կամ Բագրատունիները նպաստել են Բաբեկի ապստամբության ճնշմանը։ Սակայն նրանց արարամետ կողմնորոշումը ինքնին նպաստում էր, որպեսզի շարժումը ոչ միայն չառաժգին իրենց տիրույթներում, այլև բացառվի խալիֆայությանը հակառակորդ Բյուզանդիայի կողմից ապստամբներին անմիջական ռազմական օժանդակություն ցույց տալը։

838 թ. Գենեսիոսի հիշատակած վասպուրականցի իշխանը, դատելով Պոլմա Արժրունու տվյալներից, պետք է լիներ Համազասպ Արժրունու որդի

²¹ Հմտ. J. Markwart. Sudarmenien..., S. 79.

²² Մաշտոցի անվ. Մատենադարան, ձեռ. № 8309 էջ 26ր, ձեռ. № 1522, էջ 530ա։

²³ Ք ո վ մ ա Ա Ր ժ Ր Ո Ւ Ն Ի. III, ԺԳ, էջ 330, 333, ԻԲ, էջ 377։

²⁴ Chronique de Michel le Syrien. t. III, Paris, 1905, p. 50—51.

Աշոտը: Այսպես, պատմագիրը գրում է, որ Աշոտ Արծրունին, «կեցեալ ամս ժԹ, տեւալ իշխանական ճոխութեանն ժԳ ամ յառաջ քան զգերութիւնն Հայոց»²⁵: Հայերի գերութիւնը, հայտնի է, որ կատարվել է 851 թ.: Հետևաբար, եթե Աշոտ Արծրունին 19 տարեկան հասակում դարձել է Արծրունյաց Մեծ իշխան և այդ պաշտոնը վարել է 16 տարի (ինչը հավաստված է Թովմա Արծրունուն՝ վերը բերված վկայությամբ), այսինքն մինչև Բուղա զորապետի կողմից իր աքսորվելը 851 թ., ուրեմն նա Վասպուրականում իշխել է աքսորվելուց 16 տարի առաջ, այսինքն սկսած 835 թ.: Հետևաբար Գենեսիոսի հիշատակած վասպուրականցի իշխանը եղել է նույն ինքը՝ Աշոտ Արծրունին: Ստացվում է այնպես, որ խալիֆայությանը զորքով օժանդակություն ցուց տված իշխանը նույն խալիֆայության կամքով 851 թ. առժանացել է աքսորի ու բանտի:

Դա հետևանք էր անշուշտ այն իրողության, որ 840-ական թթ. կեսերից Աբբասյան խալիֆայությունը որդեգրեց նոր քաղաքականություն, որն իր սուր ծայրով ուղղված էր տեղական ինքնավար իշխանությունների (այդ թվում նաև հայ իշխանների) դեմ: Մուլաֆաթիլ խալիֆան (847—861) սուր հակաժանրներ սկսեց քրիստոնյաների դեմ, պետությունը ավելի կենտրոնացնելու նպատակով²⁶: Հայաստանում այս քաղաքականությունը իրեն առաջին հերթին հատկապես զգալ տվեց հարավային գավառներում: 849 թ. հարավից Հայաստանի սահմաններին մոտեցած Աբու Սալիդ (Թովմա Արծրունու մոտ՝ Ասուսեթ) դորապետը և իր հաջորդները նպատակադրվել էին Հայաստանում գործադրել Մուլաֆաթիլի կրոնաքաղաքական ծրագիրը՝ պայքարը հանուն այսպես կոչված ուղղափառ մահմեդականության, որը բացառում էր այլակրոն իշխանների իրավունքները: Հայաստանի հանդեպ Աբբասյանների վարած քաղաքականությունը ավելի սուր դրսևորումներ ունեցավ հատկապես 851 թ. հետո, երբ վեգամյա դադարից հետո Փոքր Ասիայի արևելքում վերսկսվեցին ընդհարումները Բուլղանդիայի և խալիֆայության միջև²⁷: Ստեղծված իրավիճակում, ինչպես հաղորդում է Թովմա Արծրունին, Արծրունյաց իշխանությունը դիտվում էր որպես Աբբասյանների նոր քաղաքականությանը դիմակայող գերեզ ուժ²⁸: Ստվարաթիվ զորքով դեպի Հայաստանի սահմանները շարժվող զորապետները իրենց առաջին հարվածներն ուղղեցին նաև Արծրունյաց տիրույթների դեմ: Անշուշտ, նրանց նպատակակետը ամբողջ Արմինիան էր: Ուշագրավ է այն իրողությունը, որ թեև Հայաստան ուղարկված Յուսուֆ զորապետին պարտության մատնեցին հուլիսի 16-ին լեռնային լեռնայինները, սակայն արաբ պատմիչները, անշուշտ, տուրք տալով խալիֆայության առաջադրած պաշտոնական տեսակետին (որը ապստամբության համար մեղքը բարդում էր ոչ միայն հուլիսի 16-ին, այլև ամբողջ Հայաստանի վրա), գրում են, թե իբր խոթեցիներ իսլամադավանները, որոնք ամբողջ Հայաստանի մյուս գավառները: Այսպես, Բալադհուրին գրում է, թե իբր ապստամբ խոթեցիներին Հայաստանի իշխաններից ամեն մեկն ուղարկել է օգնական զորք²⁹: Մինչդեռ ապստամբությանը ժամանակակից Թովմա Արծրունին հաղորդում է, որ ապստամբել են միայն «բնակիչ լեռինն», «մեկնակազէնքն հուլիսյ»³⁰, նույնն են հավաստում նաև Հովհաննես Դրասխանակերտցին և Սամվել Անեցին³¹: Ապստամբության մեջ

²⁵ Թովմա Արծրունի. III, ԺԸ, էջ 349:

²⁶ E. A. Беляев. Арабы, ислам и арабский халифат в раннее средневековье. М., 1966, с. 217.

²⁷ A. Васильев. Политические отношения Византии и арабов за время Аморийской династии. СПб., 1900, с. 161.

²⁸ Թովմա Արծրունի. II, 2, էջ 195—196, III, Ա, էջ 207, 209:

²⁹ Balādhuri. I, p. 331.

³⁰ Թովմա Արծրունի. II, է, էջ 201:

³¹ Հովհաննես Դրասխանակերտցի. Պատմութիւն Հայոց. Թիֆլիս, 1912, էջ 119—120: Սամուէլ Անեցի. Հուլիսյան զորք պատմագրաց. Վաղարշապատ, 1893, էջ 92:

բովանդակ Հայաստանը մասնակից տեսնելու միտումը բխում էր բոլոր քիչ թե շատ նշանավոր Հայ իշխաններին աքսոր ուղարկելու նպաստակաղերումից: Եվ իրոր, ապստամբությունից մեկ տարի հետո ձերբակալվեցին և Սամառա ուղարկվեցին Աշոտ Արծրունին, Հայաստանի իշխան Բագարատ Բագրատունին, անգամ Սմբատ Ապարատ Բագրատունին, որը ոչ միայն չէր սատարել ապստամբներին, այլև համագործակցել էր Բուղա գորապետին: Ուշագրավ է, որ վերջինս, հայկական իշխանությունները քաղաքականապես գլխատելու նպատակով, արսորեց նշանավոր տոհմերի իշխող ճյուղերի անդամներին: Նա առաջ քաշեց և ճանաչեց այդ տոհմերի երկրորդական ճյուղերի իշխաններին: Նպաստակն էր երկպառակություն սերմանելով, ջլատել հայ նախարարների ուժերը: Օրինակ, Բուղան Հայաստանի իշխանների մեջ բոլորից առավել նախապատվություն տվեց Մովսես տեր Սմբատ Բագրատունուն (այլ է Սմբատ Ապարատ Բագրատունուց), ճանաչեց Արծրունիների երկրորդական ճյուղերից մեկի իշխան Գուրգենի (Ապուպեյճի որդու) իշխանությունը³² և այլն:

Հայաստանից Բուղայի հեռանալուց հետո, փոփոխված իրադրության՝ Բյուզանդիայի վերահաս առաջնադասման պայմաններում, Աբբասյաններն սկսում են սիրաշահել Հայաստանի նախարարական տոհմերի իշխող ճյուղերի անդամներին, որպեսզի նրանց ուժերն օգտագործեն Բյուզանդիայի դեմ³³:

Ուշագրավ է, որ խալիֆայությունը Արծրունյաց երբեմնի Մեծ իշխան Աշոտ Արծրունու նկատմամբ ցուցաբերեց վերապահ մոտեցում՝ նրան արսորից ազատ արձակեց ուղացումով: Ըստ Թովմա Արծրունու, Վասպուրականի իշխանները Սամառայից հայրենիք վերադարձան իրենց գերության յոթերորդ տարում, այսինքն 858 թ.: Նույն տարում գերեզարդվեց նաև Աշոտ Արծրունու որդի Դերենիկը, որը, ըստ Թովմա Արծրունու, 10 տարեկան էր: Սակայն նույն պատմիչի ուրիշ վկայություններից երևում է, որ Դերենիկը աքսորից վերադառնալիս եղել է ոչ թե 10, այլ 12—13 տարեկան, որով ավելի էր իմաստ ստանում նրան Վասպուրականի կառավարիչ նշանակելը: Հատկանշական է, որ խալիֆայությունից Վասպուրականը տիրոջ իրավունք ստացան թե Դերենիկը և թե հայրը՝ Աշոտ Արծրունին³⁴: Սակայն վերջինս ազատ շարձակվեց, Թովմա Արծրունու Պատմության մեջ Աշոտ Արծրունու գերեզարդման տարի է նշված 858-ը³⁵, որն իհարկե սխալ է: Որովհետև պատմագիրը նույն Աշոտի մահը դրնում է հայոց ՅԻԳ թվականին, հոգի ամսի 6-ին, հինգշաբթի օրը (այսինքն 874 թ. մայիսի 27-ին) և միաժամանակ նշում, որ գերեզարդվեց լինելուց հետո Աշոտն ապրել է 6 տարի³⁶, ուստի նա պետք է վերադարձած լինի ոչ թե 858, այլ 868 թ., այսինքն իր մահից (874) 6 տարի առաջ: Հետևաբար Աշոտ Արծրունին գերության մեջ մնացել է 16 տարի և հայրենիք է վերադարձել որդուց 10 տարի հետո, Մովսես խալիֆայի (866—869) օրոք:

Որո՞նք էին Աշոտ Արծրունու՝ աքսորից ազատված ու վերադառնալու պատճառները: Թովմա Արծրունու հավաստմամբ խալիֆայությունը կամեցել է Աշոտ Արծրունուն հայ աղանդների դորագնդով օգտագործել իր հակառակորդների դեմ, թերևս ի նկատի առնելով նրա ծառայությունները: Սա անշուշտ նաև Արծրունյաց Մեծ իշխանի երբեմնի իրավունքների ճանաչումն էր, որի համար, ինչպես տեսանք Գենեսիոսի հաղորդումից, Վասպուրականի տերը դեռ 838 թ. իր դորագնդով կոչվում էր խալիֆայության թշնամիների դեմ: Ըստ Թովմա Արծրունու, Բուղայի որդի Մուսեն, որը գլխավորում էր խալիֆայության զորքը, Աշոտ Արծրունուն թույլ չէր տալիս վերադառնալ հայրենիք: Դա թելադրվում էր տվյալ պահին խալիֆայությունում ստեղծված իրադրությամբ: Մովսես խալիֆի հաջորդները դիմադուրկ և ողորմելի խալիֆաներ էին, որոնք գործում էին ար-

32 Թովմա Արծրունի. III, Բ, էջ 229—230, ԺԳ, էջ 321:

33 J. Laurent. Etudes d'Histoire Arménienne, p. 39.

34 Թովմա Արծրունի. III, ԺԴ, էջ 326, 328:

35 Նույն տեղում. III, ԺԵ, էջ 339:

36 Նույն տեղում, էջ 351:

քունի զորքի հրամանատարի թելադրանքով³⁷։ Տվյալ պայմաններում Մուսեն լիովին կարող էր տնօրինել Աշոտ Արծրունու բախսը։ Թեև վերջինս հեռու էր հայրենիքից, սակայն մեծ ազդեցություն ուներ հարավ-արևելյան Հայաստանի իշխանների վրա։ Ընդ որում, Դերենիկ Արծրունու գերեզարծ լինելուց մեկ տարի հետո, այն է՝ 859 թ. աքսորից վերադարձավ նրա հորեղբայր Գուրգենը, որը հավակնում էր դառնալ Արծրունյաց Մեծ իշխան և գործում էր եղբոր՝ Աշոտի անունից։ Հատկանշական է, որ մինչև այդ Արծրունյաց տիրույթներում իշխող Գուրգեն Ապուպելճին նա ի ցույց դրեց խալիֆայի հրամանը՝ Աշոտ Արծրունուն Արծրունյաց գահերեց ճանաչելու մասին³⁸։ Ինքը՝ Գուրգեն Ապուպելճը նույնպես չէր համարձակվում անտես առնել Աշոտ Արծրունու տերունական իրավունքները և ճանաչում էր նաև վերջինիս որդու՝ Դերենիկի իրավունքները, զորավրիզում նրան։ Այսպես, երբ Հայաստանի իշխանաց իշխան Աշոտ Բագրատունին զորքով ժամանեց Վասպուրական և Վանտոսպ գավառում ձերբակալեց Դերենիկին, որպես անհնազանդի, Գուրգեն Ապուպելճը Աշոտ Բագրատունուց սպառնագին պահանջեց ազատ արձակել Դերենիկին։ Հայաստանի իշխանաց իշխանը ստիպված անսաց Գուրգենին։ Այս դեպքը, ըստ Արծրունի պատմիչի, կատարվել է «ի թուականութեան հայոց ՅժԱ երրորդ ամին»³⁹, այսինքն 862 թ.։ Դերենիկի իրավունքների հարգելը Գուրգենի կողմից, ինչպես ցույց տվեցին այս և հետագայի անցքերը, բխում էր ոչ թե վերջինիս թուլությանից, այլ խալիֆայության կողմից Աշոտ Արծրունու և նրա որդու՝ Վասպուրականում ունեցած իրավունքների ճանաչումից։ Գուրգեն Ապուպելճի զորության ցայտուն վկայությունն էր քիչ հետո դեպի Տարոն և Աղձնիքի Արզն (Աղձն) գավառներ նրա կատարած արշավանքը⁴⁰, որը պայմանավորված էր Արևելքում բյուզանդական զորքի առաջխաղացմամբ։ 863 թ. կալսրության բանակները ջախջախեցին Հայաստանի սահմանամերձ շրջաններում տեղակայված արաբական զորքը⁴¹։ Մարկվարտը կարծում է, որ Տարոնում Գուրգենի գրտնդվելը վկայում է, որ դեռևս աքսորից չէին վերադարձել այդ գավառի տերերը (Բագարատ Բագրատունու որդիները)⁴²։ Ժ. Լորանի կարծիքով Գուրգենն իշխել է Տարոնում և դա հնարավոր է եղել, քանի որ, իբր, Տարոնի տերերը դեռևս չէին վերադարձել աքսորից⁴³։ Ն. Ադոնցն ընդհանրապես կարծում է, որ Գուրգենն արշավեց Տարոն որպես հուսալի վայր՝ հովանավորվելու նրա իշխաններից (որոնց վերադարձը աքսորից նա դնում է 858 թ.)⁴⁴։

Թովմա Արծրունու վկայությունից հնարավոր չէ որոշակիորեն եզրակացնել, թե Գուրգենն իրոք տիրել է Տարոնը։ Ըստ երևույթին Գուրգենն արշավել է Տարոն, որպեսզի ի դեմս Տարոնի Բագրատունիների, դաշնակիցներ ձեռք բերի իր հակառակորդների դեմ։ Իհարկե, Բագրատունիները նույնպես կարիք ունեին դաշնակիցների, ուստի պետք է ընդառաջեին Գուրգենին։ Անշուշտ, Գուրգենը ճանաչել է Տարոնի Բագրատունիների տերունական իրավունքները, որի դեպքում նա կարող էր ավելի անկախ լինել Արծրունյաց իշխող տոհմաճյուղից։ Ինչևէ, Տարոնի տերերի և Գուրգեն Ապուպելճի դաշինքը ուղղված էր նաև Արծրունիների իշխող ճյուղի և նրանց համագործակցողների դեմ։ Այս առումով ուշագրավ է, որ Տարոնից Գուրգենն արշավեց Աղձնիքի Արզն գավառ, այնտեղից՝ Անձևացիք։

Անձևացյաց գավառը ինքնուրույն իշխանություն էր, որի տերերը, սակայն, ճանաչում էին Արծրունիների տերունական իրավունքները։ Ուստի այդ գավառ-

³⁷ Е. Беляев. Указ. соч., с. 217.

³⁸ Թովմա Արծրունի. III, ԺԴ, էջ 329:

³⁹ Նույն տեղում, էջ 336:

⁴⁰ Նույն տեղում, III, ԺԵ, էջ 338:

⁴¹ История Византии. Т. II, М., 1967, с. 188—189.

⁴² J. Markwart. Südarmenien..., S. 305.

⁴³ J. Laurent. Etudes..., p. 45.

⁴⁴ N. Adontz. Les Taronites en Arménie et a Byzance. — «Etudes arméno-byzantines», Lisbonne, 1965, p. 204.

ոի նկատմամբ Գուրգենի հավակնութեաններն ուղղված էին նաև Աշոտ Արծրունու և Դերենիկի դեմ: Ընդհանուր է, նույն անցքերից քիչ առաջ վախճանված Անձևացաց իշխան Մուշեղը իր տիրութեան մի մասը կտակել էր Դերենիկ Արծրունու, մյուսը՝ իր մանկահասակ որդուն, սակայն նրա այրի Հեղինեն գերադասեց հրավիրել Գուրգենին՝ տիրելու Անձևացաց գավառում⁴⁵, հանձին սրա կամենալով գտնել զորեղ հովանավորի⁴⁶: Դա էլ հենց դարձավ բարեպատեհ առիթ Գուրգենի համար:

Անձևացաց գավառը անջրպետում էր Վասպուրականը հարավից և կանխում Արժրուներթի ծավալման հնարավորությունը դեպի հարավ: Կործանք ու Մոկք: Դերենիկ Արժրունին նույնպես կամեցավ օգտագործել հարմար պահը և վերջ տալ Անձևացաց գավառի ինքնուրույնությանը: Այդ ուղղությամբ նրա ձեռնարկած քայլերը դատապարտվեցին անհաջողության՝ գավառում Գուրգենի Ապուպելճի դորուծի առկայության պատճառով⁴⁷: Անձևացիքին առնչվող վերոհիշված անցքերը Թովմա Արժրունին դնում է հայ նախարարների գերվարման 6-րդ տարում՝ հայոց ՅԶ (857) թ.⁴⁸: Սա հակասում է պատմագրի այն հարգմանը, ուր, ինչպես տեսանք, նշվում է, որ Դերենիկը գերությունից վերադարձել է նախարարների գերվարման 7-րդ տարում, այսինքն 858 թ.: Հետևաբար, 857 թ. Դերենիկը գերության քստորում է եղել: Բացի այդ, պատմագիրը նշում է, որ Անձևացաց գավառի հետ կապված դեպքերից առաջ Գուրգենի Ապուպելճը ձերբակալվել է Կարինում և ազատվել միայն Մուսավաքի խալիֆայի մահից հետո⁴⁹: Հայտնի է, որ վերջինս վախճանվել է 861 թ.: Հետևաբար Անձևացաց գավառի շուրջը Գուրգենի և Դերենիկի միջև ծավալված պայքարը տեղի է ունեցել այդ թվականից հետո: Ուստի Թովմա Արժրունու Պատմության բնագրի «ալս Զ ամ էր գերութեանն Հայոց և ՅԶ նորուն թուականութեան» դարձվածքում Զ-ն պետք է ուղղել Ժ (10), իսկ ՅԶ-ն՝ ՅԺ (861), որով ստացվում է ստույգ թվականը: Ու. Գրուսսեն Անձևացաց գավառին Գուրգենի Ապուպելճի լիիշխան տեր դառնալը դնում է 867 թ.⁵⁰, որը սակայն չի ապացուցվում:

Այսպիսով, Գուրգենի Ապուպելճը Աշոտ Արժրունու և նրա որդու՝ Դերենիկի նկատմամբ ունեցած վասալական պարտավորությունները խախտել է սոսկ այն բանից հետո, երբ դաշնակցել է Տարոնի Բագրատունիների հետ: Նա ուժի դրությունում կարողացավ տիրել Անձևացաց գավառին: Դերենիկը ստիպված համակերպվեց ստեղծված դրությանը: Սակայն, ինչպես կտեսնենք ստորև, հետագայում նրա հայրը՝ Աշոտ Արժրունին չճանաչեց Գուրգենի իրավասությունը Անձևացաց գավառի և նույնիսկ նրա «բուն բաժին» Մարդաստան գավառի նկատմամբ, թեև պետք է նշել, որ Գուրգենի իշխանությունն ամենից առաջ սպառնալիք էր հարևան մահմեդական ամիրայությունների դեմ: Ժ. Լորանը ենթադրում է, թե Գուրգենը ինչ-որ չափով հենվում էր Բյուզանդիայի աջակցության վրա⁵¹: Սակայն աղբյուրները փաստեր չեն բնօրինակում նման հետևություն համար:

Վասպուրականում Գուրգենի Ապուպելճի գործողությունները խախտում էին նահանգում Արժրունաց իշխող ճյուղի հեղինակությունը: Աշոտ Արժրունին, ինչպես տեսանք, քստորից ուղ վերադարձավ: Որ Աշոտ Արժրունին 858 թ. հետո բավական ժամանակ մնացել է քստորում, հավաստվում է Թովմա Արժրունու այլ վկայություններով: Այսպես, պատմագիրը, խոսելով Վասպուրականում 861 թ. և հետագայի անցքերի մասին, բոլորովին չի հիշում Աշոտ Արժրունուն, որը հայրենիքում լինելու դեպքում, բնականաբար, պետք է գտնվեր անցքերի հորձանում: Բացի այդ, պատմագիրը նշում է, որ Աշոտ Արժրունին Մու-

45 Թովմա Արժրունի. III, ԺԵ, էջ 338:

46 Ջ. Լորան. J. Laurent. Etudes..., p. 46.

47 Թովմա Արժրունի. III, ԺԵ, էջ 339:

48 նույն տեղում:

49 նույն տեղում. III, ԺԶ, էջ 330—333:

50 R. Grousset. Op. cit., p. 379

51 J. Laurent. Etudes..., p. 46.

սեի բանակում մասնակցել է Ղազվին քաղաքի գրավմանը⁵², որը, ըստ արաբ պատմագիր Քաբարու, տեղի է ունեցել 867 թ. դեկտեմբերի 1-ին⁵³:

Գերեզարձվելուց հետո Աշոտ Արծրունին Արծրունյաց տիրույթներում պահպանեց Մեծ իշխանի իրավագործությունը, որը ճանաչված էր Աբբասյանների, ինչպես նաև Աշոտ իշխանաց իշխան Բագրատունու և հարևան ամիրայությունների կողմից: Մինչդեռ Գուրգեն Ապուպելճը շարունակում էր իշխել Յնձևացյաց գավառում և Մարդաստանում: Աշոտ Արծրունին նրանից պահանջեց հրաժարվել Անձևացիքից, նույնիսկ զորք հանեց Գուրգենի դեմ, սակայն պարտվելով, ստիպված եղավ անցնել Ռշտունյաց Ոստան բերդաքաղաք⁵⁴: Այս փաստից երևում է, որ վերջինս Գուրգենի իրավասության տակ չէր: Ըստ երևույթին Աշոտ Արծրունին դեռևս երկյուղ էր կրում, որ Գուրգենը նորից փորձելու է ամրանալ Ռշտունիքում:

Աշոտ Արծրունին, զորանալով Հայաստանի իշխանաց իշխանի որդու՝ Սահակ Բագրատունու, Մոկաց իշխան Մուշեղ Բագրատունու և Արզնի ամիրայի օգնությամբ, զորքով հարձակվեց Գուրգեն Ապուպելճի վրա և պաշարեց նրա իշխանանիստ Կանգավարը⁵⁵: Բագրատունիների (չհաշված Տարոնի տերերին, որոնք հավանաբար շարունակում էին ճանաչել Գուրգենի իրավունքները) և Արզնի ամիրայի դաշինքը Աշոտ Արծրունու հետ, ըստ երևույթին արդյունք էր նաև այն իրողության, որ Արծրունիները խնամիրական կապերի մեջ էին Բագրատունիների և Արզնի տերերի հետ: Փաստորեն դեպի Տարոն և Արզն Գուրգենի կատարած արշավանքն իր օգտին չէր. այն իր դեմ միավորեց Հայաստանի զորեղ տներին և այդպիսի իրավիճակում հազիվ թե Տարոնի տերերի և Գուրգենի դաշինքը շարունակվեր: Ինչևէ, ինչպես նկատում է Ռ. Գրուսեն, Գուրգենը, որպես Արծրունյաց տոհմի կրտսեր ներկայացուցիչ, իր ձեռնարկումներով առնուղակիորեն դառնում էր խռովարար⁵⁶: Ուստի Գուրգենը պատշաճ համարեց հաշտվել Աշոտ Արծրունու հետ: Եվ Արծրունիների իշխող ճյուղի դեմ Գուրգենի պայքարը հարթվեց նրանց միջև կնքված «խաղաղության ուխտ»-ով: Ուշագրավ է, որ Արծրունիների իշխող տոհմաճյուղից կողմ է հիշվում ոչ թե Դերեհիկը, այլ նրա հայրը՝ Աշոտ Արծրունին⁵⁷: Սա ևս վկայում է, որ Արծրունյաց Մեծ իշխանի պատիվը վերապահվում էր Աշոտին:

Գուրգենի հետ կնքած «խաղաղության ուխտ»-ից հետո միայն Աշոտ Արծրունին ձեռնարկեց հարևան ամիրայությունների կողմից խլված որոշ շրջանների եսփրավումը: Դրանց թվում էր Ամյուկ ամրոցը, որը բացառիկ կարևոր նշանակություն ուներ Վասպուրականի պաշտպանության համար: Ըստ Քուվմա Արծրունու, այս անառիկ ամրոցը Վասպուրականից 100 տարի առաջ խլվել էր խալիֆայության կողմից: Ամյուկի դեմ Աշոտ Արծրունու ձեռնարկած հարձակումը պետք է կատարված լինի 870 թ. հետո, քանի որ Հիսե ամիրան, որ այս կոնվների ընթացքում օժանդակում էր Ութմանիկներին ընդդեմ Արծրունիների⁵⁸, Հայաստանի ոստիկան է հիշվում 870 կամ 871 թ.: Հետևաբար, ելնելով պատմիչի վերոհիշյալ վկայությունից, կարելի է կարծել, որ Ամյուկը Վասպուրականից խլվել է 770-ական թթ.: Ըստ երևույթին 774—775 թթ. հայերի ժողովրդազատագրական ապստամբության պարտությունից հետո Արմինիայի ոստիկանը, հաշվի առնելով Ամյուկի անառիկ դիրքը, կամեցել է այն պահել մահմեդական ամիրաների հսկողության տակ, որպեսզի անհրաժեշտության դեպքում իր ազդեցությանը ենթարկի Վասպուրականը: Ըստ Կոստանդին Միրանաժնի, հարավային Հայաստանը ևս Աշոտ Բագրատունի իշխանաց իշ-

52 Քուվմա Արծրունի. III, ԺԶ, էջ 341—342:

53 J. Markwart. Sudarmenien, S. 368.

54 Քուվմա Արծրունի. III, ԺԷ, էջ 343—345:

55 Նույն տեղում, էջ 345:

56 R. Grousset. Op. cit., 375.

57 Քուվմա Արծրունի. III, ԺԷ, էջ 345:

58 Նույն տեղում. III, ԺԸ, էջ 346, 347:

խանի գերիշխանության տակ էր՝ Սակայն խալիֆայությունից Բագրատունիների ունեցած կախվածության պայմաններում, Ամյուկը շարունակել է մրնալ մահմեդական ամիրանների գերիշխանության տակ: 3. Մարկվարտը կարծում է, թե Ամյուկը Վասպուրականից կարող էր խլված լինել Աշոտ I Բագրատունու օրոք⁵⁹, որը դժվար է ապացուցել:

Սակայն խնդիրը միայն Ամյուկով չվերջացավ: Թովմա Արծրունին գրում է, որ հարևան ամիրայությունները գրավել էին նաև Վարազա վանքը⁶⁰: Սավկայում է, որ Հայաստանում հաստատված օտար տարրը կամենում էր ամրանալ նաև Վասպուրականում: Դերենիկը Համարձակվեց ետ գրավել Ամյուկը և Վաքաղը: Աշոտ Արծրունին, ձեռնարկելով դրանց ազատագրման գործը, լախվեց Ութմանիկների հետ: Վերջիններիս դեմ Աշոտ Արծրունու պայքարը սպառնում էր վերաճել Արմինիայի ոստիկանի դեմ պատերազմի: Արծրունիների երկրորդական տոհմաճյուղերից մեկի նահապետ Վահան Արծրունու միջնորդությամբ հնարավոր եղավ հաշտության հասնել ոստիկանի հետ՝ Արծրունյաց իշխանության կողմից արքունի հարկը մուծելու հանձնառությամբ⁶²: Սա պետք է տեղի ունեցած լինի 870 կամ 871 թ., Հիսեի ոստիկան դառնալու տարում: Վերը նշված հաշտությամբ որոշ ժամանակ ապահովվեց Վասպուրականի խաղաղությունը: Գուրգեն Ապուպելճը այլևս չպայքարեց Արծրունյաց իշխող տոհմաճյուղի դեմ (նույնիսկ զորավիճեց նրանց ընդդեմ Ութմանիկների): Նա պրազվում է նաև մշակութային ձեռնարկումներով: Ըստ մի ձեռագիր հիշատակարանի, IV դարի նահապետ Սերգիսի վկայությունը ասորերենից թարգմանվել է հայերենի՝ «հրամանաւ տեառն Գուրգենա Արծրունոյ, ի թուականութեանս Հայոց ՅԻԹ (880), ի բարեխաւսութիւն անձին իւրոյ, Աստմայ որդւոյ իւրոյ և աւանդեաց նոյնինքն Գուրգէն տօնախմբել զօր յիշատակի նորա»⁶³:

Աշոտ Արծրունին, ինչպես տեսանք, ղերեղարձությունից հետո քիչ ապրեց (վեց տարի): Միայն նրա մահից (868 թ.) հետո որդին՝ Դերենիկը, դարձավ Արծրունյաց Մեծ իշխան և, Հովհաննես Դրասխանակերտցու արտահայտությամբ, «սպայադատէր զիշխանական պետութիւնն»⁶⁴: Հետևաբար Աշոտ Արծրունին մինչև իր մահը մնացել է Մեծ իշխան:

Այսպիսով, 830-ական թթ. ինչպես հիշում է Գենեսիոսը, Վասպուրականի իշխան Աշոտ Արծրունին իր զորագնդով դաշնակցում էր Արբասյան խալիֆայությանը՝ ընդդեմ Բյուզանդիայի: Սակայն հազիվ էր անցել մեկ տասնամյակ, երբ Արբասյանները որդեգրում են նոր քաղաքականություն, որի հետևանքով Արծրունյաց Մեծ իշխանը դիտվում է որպես թշնամի, որն իբր սպառնում էր խալիֆայությանը բուն Արմինիայում: Հետագայում, փոփոխված իրադրության պայմաններում, Արբասյանները գերադասում են վերադառնալ նախկին քաղաքականությանը և վերականգնել Արծրունյաց Մեծ իշխանի իրավունքները, իհարկե, վերստին նրանից ռազմական օժանդակություն ստանալու պայմանով:

⁵⁹ Կոստանյան Միրանա ծին, Թարգմ. Հ. Բարթիկյանի (Բյուզանդական աղբյուրներ, Բ). Երևան, 1970, էջ 10:

⁶⁰ J. Markwart. Südarmenien..., S. 299.

⁶¹ Թովմա Արծրունի. III, ԺԸ, էջ 346:

⁶² Նույն տեղում. III, ԺԸ, էջ 348:

⁶³ Մայր ցուցակ ձեռագրաց սրբոց Յակոբեանց. Ս, Երուսաղեմ, 1966, էջ 11:

⁶⁴ Հովհաննես Դրասխանակերտցի, էջ 135:

НЕКОТОРЫЕ ВОПРОСЫ ИСТОРИИ РОДА АРЦРУНИ
(В 30—60-е ГОДЫ IX ВЕКА)

В. М. ВАРДАНЫАН

Резюме

По сообщению византийского историка Генесия, в 838 году войско князей Арцруни в составе аббасидских войск участвовало в нашествии на Византию. Вообще аббасидские халифы вели враждебную политику против армянских нахараров, однако нельзя игнорировать тот факт, что именно при Аббасидах Арцруни приобрели политический приоритет в юго-западной Армении. В противовес Мамиконянам, они вошли в союз с Аббасидами против Византии. В южной Армении приоритет Арцруни признавали армянские Багратиды. Однако при изменении ситуации Аббасиды резко меняли отношение к Арцруни и другим князьям Армении. Это было результатом новой политики, направленной против автономных прав местных армянских князей. В 851 г. военачальник халифа Буга пленил и сослал в Самарру великого князя Ашота Арцруни; в то же время он выдвинул второстепенных князей юго-западной Армении. Но в условиях постепенно усиливавшейся византийской опасности Аббасиды проявляли снисходительность к армянским князьям, в том числе к Арцруни. В 858 г. все они вернулись из плена, кроме бывшего первопрестольного князя Ашота. Последний вновь получил от Аббасидов титул великого князя Арцруни и был вынужден со своей дружиной до 868 г. оставаться в резиденции халифа и воевать против его врагов. По возвращении Ашот Арцруни вынужденно вел войны против соседних эмиратов. Он старался изолировать влиятельного князя Гургена Апупелча, с которым имели союзнические отношения Таронские Багратиды. Тем не менее в борьбе против арабских эмиров и даже против Ашота Багратуни Гурген Апупелч содействовал Ашоту Арцруни и его сыну Деренику.